

Ineqarnermut, Attaveqarnermut Avatangiisinullu Naalakkersuisoq
Landsstyremedlem for Boliger, Infrastruktur og Miljø

Inatsisartut Attaveqarnermut Ineqarnermullu Ataatsimiititaliaat
/tamaani

Siulittaasoq Agathe Fontain

**Inissialiornermut tapersiissuteqartarnej pillugu Inatsisartut peqqussutaata al-
lanngortinneqarneranik Inatsisartut peqqussutissaattut siunnersuut UPA 2005/21
tunngatillugu apeqqutit**

29.04.2005

J.nr. 38.01.02+002

Postboks 909

3900 Nuuk

Oq/tel +299 34 50 00

Fax +299 34 54 10

iap@gh.gl

www.nanoq.gl/iap

Asasara Agathe Fontain,

Aallaqqaammut ataatsimiititaliap inissialiornermut tapersiissuteqartarnej pillugu Inatsisartut peqqussutaata allanngortinneqarneranik Inatsisartut peqqussutissaattut siunnersuummut saqqummiunneqartumut tunngatillugu itisiliinissannut periarfissi-isunik apeqquteqarneranut qujassutigata ataatsimiititaliamut apuuteqqullugu qin-nuigissavakkit.

Ukiup affaata kingulliup ingerlanerani pisuni arlalinni inissialiornermut tapersiissuteqartarnej pillugu isummatsinnik saqqummiussuinissamut periarfissaqartarsimavugut. Taamatullu ataatsimiititaliap ataatsimeeqatiginissaanut, Naalakkersuisullu isumanerluutaasa, aammattaaq ataatsimiititaliamit isumanerluutigineqartut nas-suiaateqarfiginissaannut periarfissaqarsimallunga.

Ilaatigut ataatsimiinnerit isumasioqatigiiffiusut pissarsilluarfiusut, tamatumunngalu atatillugu attaveqaqatigiittarnerit tunngavigalugit Naalakkersuisut peqqussutissatut siunnersuusiorput, imm. 21-tut saqqummiunneqartumik. Taassuma ataatsimiititaliami suliarineqarneranut atasumik apeqqutinik arlalinnik saqqummertoqarpoq, taakkulu ataatsimiititaliap Naalakkersuisunit akineqarnissaat kissaatigineqarpoq.

Apeqqutit nassiunneqartut matuma kinguliani immikkoortillugit issuarneqarput, akissutitaallu uingasunik allanneqarlutik AKISSUT-mik aallarniuteqartinneqarlutik.

-- o o 0 o o --

Taarsigassarsisimasut taarsigassarsiarisaminnik § 10a malillugu allangortitsinisamik pissarsisinnaangitsut taarsigassarsiamik allangortinnissaannut qinnuteqarsinnaanerit § 10-p imm. 5-ip nutaap malittarisassiuuppa. Taarsigassarsianit akiitsut sinneruttut aamma qinnuteqartup maannamut akiliisinnaassusia akiliinisamullu piumassuseqarnera eqqarsaatigalugit § 10a-p imm. 4-ni taaneqangillat, taamaallaat § 10a-p imm. 5-iani taaneqarlutik. Tassunga atatillugu ataatsimiititaliamit makku apeqqutigineqassapput:

1. Akiitsut sinneruttut amerlavallaarsimappata taarsigassarsiarisimasat allangortinnissaasa angunissaannut tamanna akornutaassava imaluunniit isumaqaannassava qaammatikkaartumik akilertagassaq qaffanneqaannassasoq imaluunniit akilersuineq sivitsorneqaannassasoq?

AKISSUT: Aallaqqaasiutigalugu erseqqissarneqassaaq § 10a, imm. 4 naapertorlugu taarsigassarsianik allangortitsinissamut periarfissiineq taarsigassarsiallip ukiuni marlunni kingullerni isertitarisimasaanut attuumassuteqarmat, kisiannili § 10, imm. 5 naapertorlugu taarsigassarsianik allangortitsinissaq aatsaat akuerineqarsinnaalluni, taarsigassarsialik taarsigassarsianik akilersuinissamut periarfissaqartog nalilerneqarpat. Tassalu taarsigassarsiallip § 10, imm. 5 naapertorlugu taarsigassarsiaminik akilersuinissamut isertitai naammangitsut imaluunniit akilersuisinnaassangitsoq naliliisoqarpat, taarsigassarsianik allangortitsinissamut qinnuteqaat itigartinneqassaaq. Taamaaliornermi taarsigassarsialik taamatullu taarsigassarsititsisoq eqqarsaatigineqarput. Akilersuinissaq iluatsissinnaangitsoq siumungaaq ilimagineqarpat akilersuinissamut isumaqatigiissusiornissamut tunngavissaqanngimmat. Isumaqatigiissutit taamaattut ajornerpaamik kinguneqassagunik taarsigassarsiallip taassumalu ilaqutaasa aningaasaqarnikkut inooqatigiinnikkullu atugarliuleriartornerannik kinguneqarsinnaapput. Taamaattumik allanguinissamik qinnuteqaatit itigartitaanermik, akiliutikinnerulernermik imaluunniit taarsigassarsiat sivilunerusumik taarsersorneqarnerinik kinguneqarsinnaavoq.

2. Qinnuteqartup maannamut akilersuinissamut piumassuseqarneranut nalilersuinermi piumasaqaatit suut ilaatinneqassappat?

AKISSUT: Aammattaaq § 10, imm. 5-imi allaqqavoq, qinnuteqaatinik nalilersuinermi pingaartumik taarsigassarsianut akiitsut sinneri, qinnuteqartup maannamut akiliisinnaassusia akiliinissamullu piumassuseqarnera, qinnuteqartup nalilinnik pigisaqarnera inuussutissarsiorsinnaassusialu naatsorsuutigineqartoq, kiisalu illup pisoqaassusia niuernikkullu nalinga eqqarsaatigineqassasut.

Qinnuteqartup maannamut akiliisinnaassusianik naliliinermi pingaartumik akiliinisamut piomassuseqarnek, taarsigassarsiallip taarsigassarsianut akilersugaasa allattorsimaffianni takuneqarsinnaasoq piffissallu ingerlanerani isertitarisimasai, tassalu akiliisinnaassusia aallaavigineqassapput. Taarsigassarsianut akilersugasani akiliinngitsooqattaartarsimaneq akilersuinissamut isumaqatigiissusiornissamut akornutaasinnaavoq, tassani taarsigassarsiallip isumaqatigiissutip eqquut-sinissaanut tatiginassusilimmik pissusilersunnginnissaa annilaangassutigineqarsinnaamat. Kisianni nalilersuineq tamatigut qinnuteqartup nalilinnik pigisaqarneranik tamakkiisumik, aammalu sulisinnaassusissaanik kiisalu illup pisoqaassusianik niuernikkullu nalinganik misissuineramik ilaqartinneqartassaaq.

3. Taarsigassarsiarisimasat sinnerinik allanngortitsinissap anguniarnerani maannamut akilersuinissamut piomassuseqarsimanerup annertuujusimanera pitsaaqutaassava?

AKISSUT: *Tungaviatigut tatiginartumik pisussaaffinnik naammassinninniarsinnaaneq akiligassanillu tamanik akilersuiniarsinnaaneq taarsigassarsiat sinnerinik allanngortitsinermik kinguneqartassaaq. Kisiannili taarsigassarsiallip taarsigassarsiaminik akilersuisinnaaneranut ilimanaateqarnera allannguinissamut piomasagaataajuartassaaq.*

Taarsigassarsisup nalilikilliisinaanermik aaqqissuussisinaanera § 10a-p imm. 5-ip nutaap ajornarsippaa, taarsigassarsiat akilersuutitaqanngitsut erniaqanngitsullu akileqqaanngikkaluarlugit illugisaq tunniunneqarsinnaavoq, tak. § 10a, imm. 1.

4. Taarsigassarsisimasunut § 21a-p imm. 2 naapertorlugu akilersuutitut akiligassaminnik aamma sinneruttunik akiitsuminnik isumakkeerfigineqartunut assingusumik immikkut piomasagaatinik nassaassaqarpa?

AKISSUT: *Naamik. § 21a, imm. 2 naapertorlugu isumakkeerinninnermi taarsigassarsitsitsisup, tassalu Namminersorerullutik Oqartussat illu tunineqassappat tunineqarnerani iluanaarutaasinnaasut isumakkiissavai, taamatullu taarsigassarsiallip piomasagaarneratigut Namminersorerullutik Oqartussat illu utertillugu pisiarinissaa pisussaaffiunnaassallugu.*

Kiisalu taarsigassarsiallip nalikilluartuutitsinissamik aaqqissuussinermik atuisup, tak. 10a, imm. 1, inissiaq ernianut taarsigassarsianullu taarsersugassaangit-

sunut akileeppaarani allamut tunniussinnaanngikkaa allassallugu naapertuulluannigilaq. Taarsigassarsiallip peqqussummi maannakkut atuuttumi § 15 naapertorlugu BSU-mit taarsigassarsilluni illuutiminik Namminersornerullutik Oqartussanut utertitsisinnaatitaanera aalajangersakkamit kalluarneqassanngilaq, illu sulit taarsigassarsiaqarfiummat. Illup Namminersornerullutik Oqartussanut utertinneqarnerani illumut taarsigassarsiat uninngatinneqartut "akilerneqanngikkaluarunilluunniit", utertitsilluni pisinermi iluanaarutiniit iluarsiivigineqartussaapput.

5. Taarsigassarsisimasup taarsigassarsiarisimasani isumakkeerneqarteriarlugit illulu tuneriarlugu inissiamut attartortittakkamut nalinginnaasumut erngerluni nammineq nuussinnaava?

AKISSUT: *Aap, aap aamma aap. Tassa apeqqutit pingasut tamarmik aappimik akineqarput. Tassanili erngerluni erseqqissarneqassaaq, akiligassanngortitat akiitsullu sinnerisa isumakkeerfigineqarnissaannik qinnuteqaatinik aqutsineq pillugu Namminersornerullutik Oqartussat nalunaarutaat nr. 10, 18. april 2002-meersoq iluanaarniuteqarnissarpiaq aammalu pissutsinik nassuiarneqartunik pisoqarnissarpiaa akiorniarlugu pilersinneqarsimammat. Nalunaarummi allaqqavoq akiligassanngortunik akiitsullu sinnerinik isumakkeerfigineqarnissaq pillugu aalajangiinermi qinnuteqartup utoqqaassusia siunissamilu inuussutissarsiorsinnaanissaa, nalilinnik pigisaqarnera aammalu ernianik akilersuutinillu akiliisinnaassusissaa eqqarsaatigineqassasut, kiisalu*

- 1) Illup pisoqaassusia.
- 2) Illup atortulersugaanera.
- 3) Illup pitsaassusia tamakkiisoq, tak. assit nassuiaatillu.
- 4) Akiitsut sinnerisa annertussusaat.
- 5) Piffissamut aalajangersimasumut akiliutaasartut annertussusaat.
- 6) Najukkami ineqarnikkut pilersuineq.
- 7) Illup tunineqarsinnaaneranut periarfissat.

Siuliani allassimasut apeqqutaatinnagit aaqqissuussinerup atuutilernerani taarsigassarsiallit 386-it akiligassanngortunik akiitsullu sinnerinik isumakkeerfigineqarnissamut inissialionermut tapersiissuteqartarneq pillugu Inatsisartut peqqussutaata allanngortinneqarneranik Inatsisartut peqqussutaat nr. 19, 12. november 2001-imeersoq tunngavigalugu periarfissaqarsimapput, tassanimi § 21a-mi allaqqavoq, "Taarsigassarsiallit piffissami 1. maj 2000-imit 30. april 2002-p tungaanut pisinnaatitaaffigalugu ineqarnermut tapinik pissarsisarsimasut 1. november 2002 nallertinnagu Naalakkersuisunut

qinnuteqarnermikkut akiligassanngorsimasunik taarsigassarsiallu amiakkuinik isumakkeerfigineqarsinnaapput". Taarsigassarsiallit taakku aningaasaqarnikkut eqqorneqartussaanerat uppernarsaatissaqarpoq, ineqarnermut tapinik pissarsisinnaajunnaarnertik peqqutigalugu.

Taamaattumik taarsigassarsiat 386-it taakku illui illoqarfinni akiligassanngortut akiitsullu sinnerisa isumakkeerfigineqareernerini iluanaaruteqarfiusumik tunitsiviusinnaasuni inissisimanissaat qularnartutut isigineqarsinnaanngilaq. Peqqussutissatulli siunnersuut manna pissutsit taamaattut peqqissinnaanerinit ammaassanngilaq.

Taarsigassarsiat erniaqarnatillu akilersuutitaqanngitsut akilerneqarnissaannut piffissaliussaq immikkut piumasagaatini "tammarnerani assigisaaniluunniit" ilaatinneqarpoq.

6. Taarsigassarsisimasoq kangerlummi sulinngiffeqarnerminit kangianiissimanerminilluunniit qaammammik kingusinaarluni utersimappat, piffissallu ingerlanerani maqaasineqartut nalunaarutigineqarsimappat, taanna sinnerlugu ilaqutaasut taarsigassarsianik akiliisussanngornissaannik tamanna isumaqarpa?

AKISSUT: *Naamik. Imaappoq, taarsigassarsiat akiligassanngortinneqarpata najukkami eqqartuussivimmu akiliisitsiniarnissamik suliakkiisoqassaaq. Taamatut pisoqarnerani taarsigassarsialik eqqartuussivimmu aggersarneqassaaq, eqqartuussiviullu aggersaanermi suliasap suliarineqarnissaa isumagissavaa. Taarsigassarsialik sulinngiffeqarluni Thailandimut imaluunniit Maldiverinit angalaannarsimasoq paasineqarpat, soorunami suliaq tunuartinneqassaaq.*

7. Maqaasineqartoq ukiut qulit maqaasineqareersimaguni toqusimasutut isigineqartariaqartutut qinnutigineqarsinnaanera, taamaattoq ukioq ataaseq maqaasineqartup toqusimasinnaanerata killilimmik pisimasinnaanera nalorninartoqartinneqanngippat, maqaasineqartut pillugit nalinginnaasumik malittarisassanut aalajangersagaq qanoq attuumassuteqarpa?

AKISSUT: *Soorunami aalajangersagaq atorneqassaaq, aammalu maqaasineqartut pillugit maleruagassat nalinginnaasut kiisalu imm. 6-ip ataani akissuteqaat tunngavigalugit immersorneqassalluni.*

Nammineq illuliat, illut nalikillilerneqareersimatinnagit akilerneqareersimatinnagilluuniit, eqqartuussivilersuunnissaat taarsigassarsinermiluunniit uppersaaitit atorqarnissaat § 25, imm. 3 inerteqqutigineqartoq malinneqarpoq. Tamatumali allangortinnissaanut § 25, imm. 4 nutaaq Naalakkersuisunut pisinnaatitsinissamut periarfissiivoq. Oqaasertaliussat naapertorlugit 10/40/50 atorlugu nammineq illulianut taarsigassarsisinnaaneq eqqarsaatigalugu tamanna pivoq.

8. Nammineq illuliornianut 10/40/50 atorlugu taarsigassarsisitsinissani § 25, imm. 3 kisiat sanequttarumaneritsik Naalakkersuisut uppersarsinnaavaat?

AKISSUT: § 25, imm. 3-mi aalajangersagaq inissialiornermut tapersiissuteqartarnek pillugu Inatsisartut peqqussutaata allangortinneqarnera pillugu Inatsisartut peqqussutaat nr. 3, 21. maj 2002-meersoq aqqutigalugu atuutsinneqalerpoq. Aalajangersakkap atuutsinneqalernerani siunertarineqarpoq, kapitali 5 naapertorlugu nammineerluni illuliat eqqartuussivitsigut malersorneqarsinnaanerit sallunaveeqqusiunneqarsinnaanerallu ajornartinneqassasoq. Taamaattorli sallunaveeqqusiussinissamut inerteqquteqarnermi kapitali 5 naapertorlugu pisortat taarsigassarsiarititaat taarsigassarsiallu allat pineqanngillat. Taamaattorli nammineq illuliorniarluni taarsigassarsiat realkredittimit taarsigassarsianik, nammineq illuliortup kommunimit piumasaqaatinut aningaasartuutissanut aningaasalersuutissat taarsigassarsiarineqartunik § 22, imm. 4-mi taaneqartunik ilaneqartariaqarput. Kisianni Naalakkersuisut kommunilu nammineq illuliassamik sananermut atatillugu ass. sanaartorfissagissaanermut 10/40/50-inik taarsigassarsititsisinnaapput.

Taamaattumik Naalakkersuisut § 25, imm. 4-mi aalajangersagaq siunnersuutigineqartoq 10/40/50-inik taarsigassarsititsinissamut atorsinnaavaat, periarfissaq kommunimit 10/40/50-imik taarsigassarsiat ilanerinut atorsinnaavaat, periarfissaq realkredittip 10/40/50-imut aningaasalersuutissat taarsigassarsiarititassaanut atorsinnaavaat, imaluunniit ass. Grønlandsbanken A/S-ip nammineq illuliortumut taarsigassarsiat Iserit aqqutigalugu taarsigassarsititsineranut atorsinnaallugu.

9. Taamaattoqarsimappat, allanguutissat siunnersuut aqqutigalugu tamatuma erseqqissumik inatsisissat siunnersuummut ilanngunneqarnissaa ataatsimiititaliap kissaatigaa. Taamaattoqarsimanngippat, pisuni allani suni, nammineq illulianik eqqartuussivilersuussisinnaanernik

taarsigassarsinermiluunniit uppersaatitut atuisinnaanermik
akuersisinnaanertik eqqarsaatersuutiginerlugu Naalackersuisut
nassuiarsinnaavaat?

AKISSUT: *Imm. 8-mut akissut takuuk.*

10. Immikkoortoq 3.2-p ataani siunnersuummut oqaaseqaatini allassivoq, peqqussut ” allaffissornikkut oqilisaassingaatsiarnissaq ilimagineqarpoq”. Allaffissornikkut oqilisaassingaatsiarnissaq tamanna qanoq allaffissornermi sulisukinnerulerneranik aningaasartuutikinnerulermilluunniit kinguneqassanersoq Naalackersuisunut ilaasortap ilisimatitsissutigisinnaava?

AKISSUT: *Ataatsimiititaliap taamatut apeqquteqarnera nuannaarutigisorujussuvara. Siorna A/S Inissiaatileqatigiiffik INI-miit suliasat arlallit allaffeqarfinnit tiguneqarput. Tamatumunnga atatillugu INI-mut sullissinissamik isumaqatigiissutip aningaasartai 3,5 mio. kr.-inik ikilineqarput. Ukioq mannangaaq allaffeqarfinnit allaffissornikkut oqilisaassineq takutinneqarsinnaalerpoq, tassalu 0,6 mio. kr.-it missaannik sipaaruteqarnikkut piviusunngortinneqartoq. Naatsorsuutigaara peqqussutissatut siunnersuut manna aqqutigalugu ineriartorneq tamanna taparserneqarumaartoq, taamaalilluni ukiut marluk pingasulluunniit ingerlanerini taarsigassarsianik aqutsineq ikinnerpaamik 0,5 mio. kr.-inik sipaaruteqarfiusinnaassalluni.*

11. Naalackersuisut taarsigassarsianik allanguinissamik qinnuteqaatit allaffissornikkut aqunneqartarnerat pillugu maleruagassiorsinnaapput, tak. § 10, imm, aamma erniaqanngitsunik akilersuutitaqanngitsunillu taarsigassarsinissamat qinnuteqaatit allaffissornikkut aqunneqartarnerat pillugu maleruagassiorsinnaapput, tak. § 10a, imm. 6. Maleruagassat takussuserneqarnissaat kissaatigineqarpoq, atuutilerfissaattullu naatsorsuutigineqartut ilanngullugit ilisimatitsissutigeqquneqarlutik.

AKISSUT: *Naatsorsuutigaara allaffeqarfimma nalunaarut iluarsaataq ukiamut naammassereersimassagaa, tassanilu Namminersornerullutik Oqartussani aalajangersakkat imm. 5-ip ataani taaneqartut ingerlateqqinneqarneri aalajangersakkanik nutaanik ilaatinneqassapput.*

Naalackersuisut siunnersuutaannut siuliani apeqqutit taaneqartut saniatigut ataatsimiititaliaq BSU-mut tunngasutilinnik nalinginnaasumik arlalinnik apeqqutissaqarpoq.

Kapitali 4 aamma kapitali 6 malillugu taarsigassarsinerit assigiinngissusaat, taarsigassarsianik taarsigassarsinermi piumasaqaatiniillunilu taarsigassarsiat akilersorneranniippoq. AIS 2005 malillugu illut 80-it kapitali 6 malillugu 2.900-llu missaaniittut kapitali 4 malillugu akilersorneqarput.

12. Kapitali 6 malillugu taarsigassarsiat sinnerisa akilersorneqarnerat kapitali 4-mi maleruagassat naapertorlugit akilersorneqaraluarpata Naalackersuisunut aningaasatigut kinguneqaatissat suussappat?

AKISSUT: *Aallaqqaammut ilisimatitsissutigissavara A/S Inissiaatileqatigiiffik INI-miit kisitsisit qanittukut pissarsiarineqartut malillugit maannapiaq taarsigassarsiallit 39-iinnaat kapitali 6 malillugu taarsigassarsiaqartut, tak. takussutissiaq kingulianiittoq. Paasissutissani kisitsisitigut najoqqutassat 2005-imi ullormi sumi naatsorsorneqarsimanersut takuneqarsinnaanngilaq. Ilassutigalugu ilisimatitsissutigineqassaaq, 2004-mi kapitali 6 malillugu taarsigassarsiat ingerlasut akilersorneqangaatsiarsimmata, tamatumunngarpiarlu peqqutaavoq taarsigassarsiallit aningaasalersuinerimik niueruteqartunut namminersortunut Namminersornerullutik Oqartussat taarsigassarsiaritissinnaasaannit iluanaarfiusinnaanerusunik taarsigassarsisinnaalersimanagerat.*

Meeqqat 18-it inorlugit angerlarsimaffinni najugaqartut qanoq amerlatiginersut paasissutissani takuneqarsinnaanngilaq. Taamaattumik kapitali 6 malillugu taarsigassarsiat kapitali 4 malillugu taarsigassarsianut maleruagassat naapertorlugit akilersorneqarnerini aningaasaqarnikkut kingunerisassanik nalilersuinissamut tamanna ilaatinneqarsinnaanngilaq naliliiffigineqarsinnaananilu.

Takussutissiami takuneqarsinnaavoq ukiup affakkaartumik akiligassat katillugit 606.200 kr.-inik amerlassuseqartut. Taakku ernianut akilersuinernullu tamakkiisumut 30%-imik tapiiffigineqartassappata, tapiissutit ukiup affaanut 181.860 kr.-inik amerlassuseqassapput. Akiitsut sinnerinut 8,4 mio. kr.-ingajaasunut akilersuinerimut tapiissut 30%-iusoq tapiiffigineqartassappat, taarsigassarsialinnut 39-iusunut tapiissutit 2,5 mio. kr.-it missaannik amerlassuseqassapput. Kisitsisit taakku qaammammut akiliutinut allanngortinneqarpata, qaammammut akiliutissaq minnerpaaq 267 kr.-iussaaq,

qaammammut akiliutissaq annerpaaq 5.022 kr.-iussalluni, aammalu qaammammut akiliutissat agguaqatigiissinneqarnerat 2.591 kr.-iussalluni.

Taarsigassarsiallit	Ukiup affaanut akiliutit	Qaammammut akiliutit	Taars. sinn.
	22.807	3.801	379.578
	8.122	1.354	36.031
	12.143	2.024	98.779
	15.309	2.551	255.088
	5.834	972	21.021
	21.141	3.524	366.460
	2.964	494	8.274
	20.652	3.442	322.799
	22.951	3.825	374.157
	22.717	3.786	355.078
	5.362	894	28.373
	19.094	3.182	276.517
	30.130	5.022	407.524
	17.931	2.989	242.529
	15.648	2.608	255.107
	13.877	2.313	174.766
	20.334	3.389	294.480
	22.496	3.749	393.878
	21.806	3.634	333.606
	16.118	2.686	218.004
	13.951	2.325	175.695
	7.403	1.234	39.168
	9.117	1.520	74.163
	21.054	3.509	357.649
	20.334	3.389	294.480
	20.334	3.389	294.480
	23.606	3.934	399.861
	1.602	267	5.772
	4.880	813	48.484
	18.716	3.119	67.439
	13.412	2.235	175.111
	20.537	3.423	314.192
	12.569	2.095	209.186
	7.991	1.332	48.283
	15.155	2.526	197.870
	6.623	1.104	69.602
	23.160	3.860	393.415
	7.452	1.242	45.030
	20.865	3.477	340.143
Katillugit	606.200		8.392.066

Siullermeerinerup ingerlanerani erserpoq, soraarnerussutisiaqarlersimasut BSU aqqutigalugu taarsigassarsinerminnilli isertitaat appariaateqarnikut pingaartumik eqqarsaatigineqarnissaat Naalakkersuisunit kissaatigineqartoq.

13. Soraarnerussutisiallit allallu suliffissaqanngivissut taarsigassarsiaasa isumak-
keerneqarnissaannut periarfissaq Naalakkersuisunit eqqarsaatersuutigineqar-
simava?

AKISSUT: *Namminersornerullutik Oqartussat nalunaarutaanni, imm. 5-ip ataani taaneqartumi ersereerpoq, akiligassanngortinneqartunik akiitsullu sinnerinik isumakkeerinissaq pillugu aalajangiinermi qinnuteqartup utoqqaassusia inuussutisarsiorsinnaassusissaatullu naatsorsuutigineqartoq eqqarsaatigineqartassasut. Taamatut naliliinermi qinnuteqartoq soraarnerussutisiaqarnersoq imaluunniit suliffissaqanngivissuunersoq eqqarsaatigineqartassaaq.*

14. BSU aqutigalugu illuutillit nutarterinissamut, alliliinissamut illumillu nutarsaanissamut tapissutinik qinnuteqartarnerannut patsisaatut Naalakkersuisut isumaat malillugu suuppat?

AKISSUT: *Ilimagaara tamatumunnga pissutaasoq periarfissanik ilisimasaqanngin-
neq. Allaffeqarfima ajunnginnerusumik paasissutissisoqarnissaa isaumagissavaa.*

Naggataagut Naalakkersuisut peqqussutissatut siunnersuutaanni immikkoortut ataasiakkaat nassuiaateqarfigninnaagakkit Ataatsimiititaliaq qutsavigeqqissavara. Aamma periarfissaq iluatsillugu Ataatsimiititaliamut ilisimatitsissutigissavara inissialiornermut tapersiissuteqartarneq pillugu peqqussut tamarmiisoq iluarsanneqarmat, taassumalu 2006-imi Inatsisartunut saqqummiunneqarnissaa naatsorsuutigineqarmat. Tamatumunnga atatillugu suliap ingerlanera pillugu Ataatsimiititaliamut ingerlaavartumik ilisimatitsissuteqartassaanga, taamatullu Ataatsimiititaliaq qinnuigissallugu peqqussutissatut siunnersuutip iluarsaatap Inatsisartuni suliarineqannginnerani Ataatsimiititaliamut immikkut ittumik saqqummiunnissaanut akuereqqullunga.

Ataatsimiititaliap kissaatigippagu Ataatsimiititaliamik isumasioqateqarnissamut piareersimavunga.

Inussiarnersumik inuulluaqqusillunga

Jens Napātō